

# The Electronic *Manipulus florum*

[www.manipulusflorum.com](http://www.manipulusflorum.com)

## Homo y cum uariis

Que conditio rerum eadem hominum est. Nauis bona dicitur non que preciosis coloribus picta est, nec cui argenteum aut aureum rostrum est, nec cuius tutela ebore celata est, neque fiscis atque opibus regis pressa est, sed stabilis et firma et iuncturis aquam excludentibus spissa, ad ferendum incursum maris solida, gubernaculo parens, uelox et non sentiens uentum. Gladium bonum dices non cui deauratus est balteus, nec cuius uagina gemmis distinguitur, sed cui ad secundum subtilis acies est et mucro munimentum omne rupturus. Regula non quam formosa sed quam recta sit queritur; eo quidque laudatur cui comparatur quod illi proprium est. Ergo in homine quoque nichil ad rem pertinet, quantum aret, quantum feneret, a quam multis salutetur, quam precioso incumbat lecto, quam perlucido poculo bibat, sed quam bonus sit. Bonus autem est, si ratio explicita et recta est et ad nature sue uoluntatem accommodata. Hec uocatur uirtus, hoc est honestum et unicum hominis bonum.

Ibidem.

---

Varia in MANUSCRIPTIS (B C M) et in IMPRESSIS (P V<sup>1</sup> V<sup>2</sup> L<sup>1</sup> L<sup>2</sup>):

aut] uel B; iuncturis] vincturis P V<sup>1</sup> V<sup>2</sup> L<sup>1</sup> L<sup>2</sup>; ferendum] inferendum P V<sup>1</sup>; uentum] uentos P V<sup>1</sup> V<sup>2</sup> L<sup>1</sup> L<sup>2</sup>; bonum dices] dices bonum C; sed] a *add. (del. sub lin.)* C; non quam] nunquam M; quidque] quicquid B, quidem P V<sup>1</sup> V<sup>2</sup> L<sup>1</sup> L<sup>2</sup>; proprium] rerum *add. (del. sub lin.)* C; ergo in homine quoque *om.* C; quantum aret quantum feneret *om.* C; hoc] hec P V<sup>1</sup> V<sup>2</sup> L<sup>1</sup> L<sup>2</sup>; bonum] Seneca *add.* V<sup>1</sup> V<sup>2</sup> L<sup>1</sup> L<sup>2</sup>